

先佛法、生福祚亦在崇神明、仍先消痾恙於一天、欲充稼穡於万邦、故占靈社之砌、敬講護國之教、冥助之不疑、感應豈其虛哉、宜仰綱所令件僧等、各率淨行僧六口、親詣社頭、始從來四月六日午刻、三箇日間講演件經、綱所宜承知、依宣行之事、是攘災不得疎簡、但其供菜料、石清水、住吉、大原野等攝津國、賀茂下上、稻荷、比叡、近江國、松尾、平野、梅宮、丹波國、吉田、祇園、和泉國、北野、西寺御靈堂、河內國、春日、大神、大和國、早可、運送之狀、下知件國々、已了者、

長元三年三月廿三日

左大史惟宗朝臣義賢奉

僕奉勅於左仗仰右府右府仰右中弁類在令召陰陽寮并令進文書硯等史等進文書硯如例右府令左宰相中將書僧名等右中弁進日時勘文右府加入定文日時文於笥令右中弁奏之弁先內覽關白殿次奏之次奉下右府則給之於陣腋下史義賢朝臣義賢朝臣書宣旨下綱所兼又可運充供菜料之由賜宣旨於國々又可社頭房裝束之由令仰便宜國々諸衛等云々

〔日本紀略後十四條〕長元三年五月十九日辛未請千僧於大極殿令讀壽命經公卿以下依宣旨調進經卷以天台座主慶命爲講師令祈消疾疫之災廿四日丙子下知諸國圖繪丈六觀音像轉讀觀音經爲消疾疫也六月廿日壬寅於大極殿有臨時仁王會依疾疫并宇佐宮神馬燒斃也〔類聚符宣抄三〕太政官符五畿內七道諸國司

應圖寫供養丈六觀世音菩薩像壹體請觀世音經佰卷事

右去春以來、疾疫滋蔓、病死儻多、仍寄託內外、雖致祈禱、空經旬月、末期休除、夫觀世音菩薩者、衆生依怙、能施無畏、患病厄者、必拔苦源、遭急難者、乍得解脫、就中十一面觀世音、有頂上佛面、除疫病之願、請觀世音經、有毗舍離國救苦厄之教、旁仰弘誓、豈無冥感乎、正二位行大納言兼民部卿中宮大夫藤原朝臣齊信宣奉勅、宜下知五畿內七道諸國、圖寫件菩薩像并經卷、官符到後、擇定吉日良辰、專當於國分寺、請當寺淨行僧十口、開講供養矣、卽一七日間、轉讀件經、但請用之僧、有不法之輩、尋訪他寺、備